

სახელმწიფო შესყიდვის შესახებ
ხელშეკრულება 5

კასპი

05 მარტი 2018 წელი

ერთის მხრივ შპს „სოფლის წყალი“ (შემდგომში „შემსყიდველი“) წარმოდგენილი დირექტორის ზურაბ ბახტაძის სახით და მეორეს მხრივ, შპს გიემეს (შემდგომში „მიმწოდებელი“) წარმოდგენილი მისი დირექტორის მამუკა ქიმაძის სახით, სახელმწიფო შესყიდვების კანონის და პრეტენდენტის (**NAT180001508** სატენდერო წინადადების საფუძველზე, ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ

ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს მომსახურებას ხელშეკრულების ფარგლებში.
- 1.6. „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.
- 1.7. „ტექნიკური დავალება“ – სატენდერო დოკუმენტაციის ტექნიკური დავალება, რომელიც დაერთვება ხელშეკრულებას, როგორც მისი განუყოფელი ნაწილი.

2 ხელშეკრულების საგანი

- 2.1. სამშენებლო მასალები და დამხმარე სამშენებლო მასალების შესყიდვა. (CPV44100000)
- 2.2. ხელშეკრულებით გათვალისწინებული მომსახურების აღწერა მოცემულია ტექნიკურ დავალებაში.

3. ხელშეკრულების ღირებულება

- 3.1 ხელშეკრულების ჯამური ღირებულება შეადგენს 11960(თერთმეტიათასცხრაასსამოცი) ლარს.
- 3.2 ხელშეკრულების ჯამური ღირებულება მოიცავს ხელშეკრულებით გათვალისწინებული მომსახურების გაწევასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებს.

4. ანგარიშსწორების ფორმები და ვადები

- 4.1. მიმწოდებელთან ანგარიშსწორება ხორციელდება უნაღდო ანგარიშსწორების ფორმით ეროვნულ ვალუტაში, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.
- 4.2 ანგარიშსწორება მიმწოდებელთან განხორციელდება ეტაპობრივად, გაწეული მომსახურების მიღება-ჩაბარების აქტის, წერილობითი მოთხოვნისა და შესაბამისი საგადასახადო ანგარიშ-ფაქტურის ან სასაქონლო ზედნადების საფუძველზე, წარმოდგენიდან არაუგვიანეს 10 (ათი) სამუშაო დღის განმავლობაში.
- 4.3. წინასწარი ანგარიშსწორება არ გამოიყენება.

4.4. დაფინანსების წყაროა 2018 წლის ადგილობრივი ბიუჯეტი.

4.5. საქართველოს სამოქალაქო კოდექსის შესაბამისად, შესაძლებელია ურთიერთგაქვითვა.

5. მიღება-ჩაბარების წესი

5.1 მომსახურების დასრულების შემდეგ მიმწოდებელი შემსყიდველს წარუდგენს მიღება-ჩაბარების აქტს.

5.2 გაწეული მომსახურება მიღებულად ჩაითვლება, მხოლოდ მხარეთა მიერ უფლებამოსილი პირებს შორის შესაბამისი მიღება-ჩაბარების აქტის გაფორმების შემდეგ.

5.3 მიღება-ჩაბარების აქტში მითითებული უნდა იყოს:

მომსახურების დასახელება, ღირებულება, მოცულობა;

6. მომსახურების მიწოდების პირობები და ვადები

6.1 ხელშეკრულების გაფორმებიდან 15 სამუშაო დღეში

7. მხარეთა უფლება-მოვალეობანი

7.1 შემსყიდველი უფლებამოსილია:

ა) ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება;

ბ) მომსახურების დასრულებამდე გამოითხოვოს მიმწოდებლისაგან მისთვის საჭირო დოკუმენტი.

7.2 შემსყიდველი ვალდებულია:

ა) უზრუნველყოს მიმწოდებლის მომსახურების ღირებულების ანაზღაურება ხელშეკრულებით გათვალისწინებული ვადების ადაპირობების დაცვით;

7.3 მიმწოდებელი უფლებამოსილია მოსთხოვოს შემსყიდველს მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

7.4 მიმწოდებელი ვალდებულია:

ა) გასწიოს მომსახურება სათანადო ხარისხისა და სრული მოცულობით, იმ ვადაში, რომელიც მითითებულია ხელშეკრულების 6.1. პუნქტში;

ბ) უზრუნველყოს მომსახურების გაწევა ტექნიკური დავალების შესაბამისად;

8. ხელშეკრულებით ნაკისრი ვალდებულებების შესრულების ინსპექტირება

8.1 შემსყიდველს ან მის წარმომადგენელს უფლება აქვთ ხელშეკრულების შესრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულებაზე და განახორციელოს მომსახურების ხარისხის პერიოდული ინსპექტირება

8.2 ხელშეკრულებით ნაკისრი ვალდებულებების შესრულების ინსპექტირებას განახორციელებს ბრძანებით შექმნილი ინსპექტირების ჯგუფი.

8.3 ინსპექტირება გულისხმობს მიმწოდებლის მიერ ხელშეკრულების პირობების შესრულების, აგრეთვე გაწეული მომსახურების ხარისხის კონტროლს.

8.4 ყველა გამოვლენილი ხარვეზის ან ნაკლის აღმოფხვრათან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

9. პირგასამტეხლო ხელშეკრულების პირობების შეუსრულებლობისათვის

9.1 ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეს დაეკისრება პირგასამტეხლო ყოველ ვადაგადავილულ დღეზე ხელშეკრულების ღირებულების 0,02% -ის ოდენობით.

9.2 იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 0,2 % პროცენტს, შემსყიდველი იტოვებს უფლებას შეწყვიტოს ხელშეკრულება და დამატებით დააკისროს პირგასამტეხლო სახელშეკრულებო ღირებულების 10 % -ის ოდენობით.

9.3 პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

10. ხელშეკრულებაში ცვლილებების შეტანა და ხელშეკრულების შეწყვეტა

10.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3 საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

10.4 ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

10.5 მხარე ვალდებულია 10.4. პუნქტით გათვალისწინებულ გადაწყვეტილების მიღებისგან ზრახვის შესახებ არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.

10.6 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

11. დაუძლეველიძალა

11.1 მხარეები თავისფლდებიან ხელშეკრულებით განსაზღვრული ვალდებულებების შეუსრულებლობით გაჩეული პასუხის მგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

11.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ანდა დასრულების შესახებ. წინააღმდეგ შემთხვევაში, შესაბამისი მეორე მხარე არ გათავისუფლდება ნაკისრი ვალდებულებებისაგან.

11.3 მხარეთა პასუხის მგებლობა დავალდებულებები განახლდება დაუძლეველი ძალის მოქმედების დასრულებისთანავე.

12. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13. ხელშეკრულების მოქმედების ვადა

ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2018 წლის 18 აპრილამდე.

მხარეთა იურიდიული მისამართები და რეკვიზიტები

„შემსყიდველი“

შპს „სოფლის წყალი“

მისამართი: ქ.კასპი სააკაძის ქ. #110

ტელ: 597173417

საბანკორეკვიზიტები: ს/კ 432542395;

ს/ს საქართველოს ბანკი : BAGAGE22

GE67BG0000000855371600

„შემსყიდველი“



„შემსრულებელი“

შპს გიემეს

მისამართი: საჩხერის რაიონი სოფელი ჯრია

ტელ: 599418482

საბანკორეკვიზიტები: ს/კ 439411361

ს/ს საქართველოს ბანკი : BAGAGE22

GE31BG0000000048459900

„შემსრულებელი“



ფასების ცხრილი

პრეტენდენტის დასახელება

შპს გიემეს

ტექნიკური მახასიათებლები	რაოდენობა (ცალი)	ერთ. ფასი	საერთ. ფასი	შენიშვნა
ურდულები-ვენტილები				
80-მმ	5	165.0	825.00	(თუჯის) მწარმოებელი ქვეყანა და კომპანია თურქეთი/GMS LTD
100 -მმ	5	200.0	1,000.00	
150- მმ	5	400.0	2,000.00	
200 მმ	7	500.0	3,500.00	
250 მმ	2	900.0	1,800.00	
300 მმ	2	1002.5	2,005.00	
სულ ჯამი:			11,130.00	

დირექტორი

მამუკა ქიმაძე



ფასების ცხრილი

პრეტენდენტის დასახელება

შპს გიემეს

ტექნიკური მახასიათებლები	რაოდენობა (ცალი)	ერთ. ფასი	საერთ. ფასი	შენიშვნა
ფლიანეცები				
DN-80	5	15.0	75.00	მწარმოებელი ქვეყანა და კომპანია თურქეთი/GMS LTD
DN-100	5	18.0	90.00	მწარმოებელი ქვეყანა და კომპანია თურქეთი/GMS LTD
DN-150	5	25.0	125.00	მწარმოებელი ქვეყანა და კომპანია თურქეთი/GMS LTD
DN-200	5	40.0	200.00	მწარმოებელი ქვეყანა და კომპანია თურქეთი/GMS LTD
DN-250	2	55.0	110.00	მწარმოებელი ქვეყანა და კომპანია თურქეთი/GMS LTD
DN-315	2	65.0	130.00	მწარმოებელი ქვეყანა და კომპანია თურქეთი/GMS LTD
ტრანსპორტირება			100.00	

ჯამი: 830.00

სულ 11,960.00

დირექტორი მამუკა ქიმაძე

